

“САНОАТ КОРХОНАЛАРИНИНГ ЭНЕРГИЯ САМАРАДОРЛИГИНИ ОШИРИШ” ЛОЙИҲАСИ – ҲУДУДЛАРГА ХОРИЖИЙ ИНВЕСТИЦИЯЛАРНИ ЖАЛБ ЭТИШ БЎЙИЧА МАҚБУЛ ИМКОНИЯТЛАР

2019 йил 4-6 февраль кунлари Андижон вилоятининг Андижон шаҳрида, Наманган вилоятининг Наманган шаҳрида ва Фарғона вилоятининг Фарғона шаҳрида Иқтисодиёт ва саноат вазирлиги томонидан Жаҳон банки билан ҳамкорликда амалга оширилаётган “Саноат корхоналарининг энергия самарадорлигини ошириш” лойиҳаси ва ҳудудларга хорижий инвестицияларни жалб этиш бўйича мақбул имкониятлар тўғрисида давра сухбати ўтказилди.

Мазкур давра сухбатининг асосий мақсади – саноат корхоналарида, шу жумладан кичик бизнес субъектларида энергияни тежайдиган технологияларни жорий этиш тажрибаси ҳамда энергия самарадорлигига инвестиция йўналтиришнинг фойда ва афзалликларини кўрсатишдан иборат.

Маълумки, Лойиҳа 2011 йилдан бўён ўз фаолиятини олиб бормоқда ва унинг доирасида 30 дан ортиқ саноат корхоналари Жаҳон банки ҳисобидан ажратилган энергия самардор ускуналарни жорий этиш учун имтиёзли кредитларга эга бўлдилар.

2018 йил 30 январида Жаҳон банкининг директорлар Кенгashi томонидан лойиҳа доирасида қўшимча 200 млн.долл. миқдорида маблағ ажратилиши маъқулланди ва 2018 йил 2 октябрда Ўзбекистон Республикаси Вазирлар Маҳкамасининг “Халқаро тикланиш ва тараққиёт банки иштирокида “Саноат корхоналарининг энергия самарадорлигини ошириш” (2- Қўшимча молиялаштириш) лойиҳасини амалга оширишга доир қўшимча чора-тадбирлар тўғрисида” №785 сонли Қарори қабул қилинди.

Ажратилган имтиёзли кредит маблағлари Ўзсаноаткурилишбанк, ТИФ Миллий банки, Асакабанк, Ҳамкорбанк, Осиё Альянс банк ва Инфинбанк тижорат банклари орқали молиялаштирилмоқда.

Тадбир ҳудудлардаги тадбиркорлар, саноат корхоналари ҳамда тижорат банклари вакиллари иштирокида бўлиб ўтди. Давра сухбати давомида Лойиҳанинг афзалликлари ва кредит маблағлари ҳисобидан лойиҳаларни молиялаштириш тартиблари тўғрисида батафсил маълумот берилди.

Шу билан бирга тадбир давомида “Андижонбиокимё”, Шахрихон ГЭС (ЮФК-1), “Учқўрғонёғмой”, “Фарғонаазот”, “Кварц” ва “Кўқонспирт” каби йирик корхоналар вакиллари Лойиҳа доирасида энергосамардор ускуналарни жорий этиш натижалари ва тажрибалари тўғрисида иштирокчилар билан ўртоқлашдилар.

Худудларда давра сухбатини ўтказиш давом этмоқда.

**“Саноат корхоналарининг энергия самарадорлигини ошириш”
лоиҳасининг мувофиқлаштириш гурухи**